

ერთის მხრივ, სსიპ ივანე ჯავახიშვილის სახელობის თბილისის სახელმწიფო უნივერსიტეტი (შემდგომში „შემსყიდველი“) ქ. თბილისი; ი.ჭავჭავაძის გამზირი №1, წარმოდგენილი მისი ადმინისტრაციის ხელმძღვანელის მოადგილის ერმი ქემოკლიძის სახით და მეორეს მხრივ, სს „სადაზღვევო კომპანია იმედი ელ“ (შემდგომში „მიმწოდებელი“) ქ. თბილისი, ალ.ყაზბეგის გამზ.№3-5 (იურიდ.), ფაქტობრივი მისამართი: ქ.თბილისი, ა. პოლიტკოვსკაიას № 9, წარმოდგენილი მისი გენერალური დირექტორის გივი გიორგაძის სახით, სატენდერო წინადადების საფუძველზე, თსუ ივანე ჯავახიშვილის სახელობის თბილისის სახელმწიფო უნივერსიტეტის (თსუ) საშტატო განრიგით გათვალისწინებული პერსონალის ემერიტუსების, თსუ რექტორის მრჩეველთა საბჭოს წევრების (შემოერთებული სამეცნიერო კვლევითი ინსტიტუტებისა და ეროვნული სამეცნიერო ბიბლიოთეკის გარდა), ჯანმრთელობის დაზღვევის მიზნით ელექტრონული ტენდერის აუქციონის გარეშე (NAT 160003494) ჩატარების შედეგად დებენ წინამდებარე სახელმწიფო შესყიდვის ხელშეკრულებას შემდეგზე:

1. ხელშეკრულებაში გამოყენებული ტერმინთა განმარტებები
  - 1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებული.
  - 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
  - 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
  - 1.4 „მიმწოდებელი“ ნიშნავს იურიდიულ ან ფიზიკურ პირს, რომელს აფორმებს (გააფორმა) შემსყიდველთან ხელშეკრულებას სახელმწიფო შესყიდვის შესახებ;
  - 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.
  - 1.6 მზღვეველი/მიმწოდებელი – სს „სადაზღვევო კომპანია იმედი ელ“
  - 1.7 დამზღვევი/შემსყიდველი – სსიპ “ივანე ჯავახიშვილის სახელობის თბილისის სახელმწიფო უნივერსიტეტი” (თსუ).
  - 1.8 დაზღვეული – წინამდებარე ხელშეკრულების ფარგლებში დაზღვეული პირები - თსუ საშტატო განრიგით გათვალისწინებული პერსონალი, ემერიტუსები, რექტორის მრჩეველთა საბჭოს წევრები, შტატგარეშე თანამშრომლები და მათი ოჯახის (სხვა) წევრები.
  - 1.9 დაზღვეულთა სტატუსები:
    - 1.9.1 თანამშრომელი - სსიპ ივანე ჯავახიშვილის სახელობის თბილისის სახელმწიფო უნივერსიტეტის (თსუ) საშტატო განრიგით გათვალისწინებული პერსონალი (შემოერთებული სამეცნიერო კვლევითი ინსტიტუტებისა და ეროვნული სამეცნიერო ბიბლიოთეკის გარდა), ემერიტუსები, თსუ რექტორი მრჩეველთა საბჭოს წევრები.
    - 1.9.2 ოჯახის წევრები – თანამშრომლის (მათ შორის შტატგარეშე თანამშრომლის) მეუღლე და შვილები, თანამშრომლის მშობლები ასაკი 65 წელი, რაც (ნათესაური კავშირი) დადასტურებული უნდა იქნას საქართველოს კანონმდებლობით განსაზღვრული შესაბამისი დოკუმენტაციით.
    - 1.9.3 შტატგარეშე თანამშრომელი - სსიპ ივანე ჯავახიშვილის სახელობის თბილისის სახელმწიფო უნივერსიტეტის შტატგარეშე თანამშრომელი.
    - 1.9.4 მოსარგებლე – დაზღვეული, ხოლო სიცოცხლის დაზღვევის შემთხვევაში - მემკვიდრე, რომელიც საქართველოში მოქმედი კანონმდებლობის შესაბამისად უფლებამოსილია მიიღოს სადაზღვევო ანაზღაურება;
  - 1.10 ხელშეკრულების საგანი – მზღვეველის/მიმწოდებლის ვალდებულება გაუწიოს დაზღვეულს დაზღვევით გათვალისწინებული სადაზღვევო მომსახურება;
  - 1.11 ჯანმრთელობის დაზღვევის ბარათი (შემდგომში „ბარათი“) - პერსონიფიცირებული პლასტიკური ტიპის ბარათი, რომელსაც ფლობს დაზღვეული მის სასარგებლოდ ამ ხელშეკრულების საფუძველზე განხორციელებული დაზღვევის დასტურად და რომელიც მოქმედებს დაზღვეულის პირადობის დამადასტურებელ დოკუმენტთან ერთად.
  - 1.12 სადაზღვევო შემთხვევა - დაზღვეულთა ჯანმრთელობის მდგომარეობა, რომლის გაუარესებაც წარმოადგენს დაზღვეულის მხრივ სამედიცინო დაწესებულებაში ან/და სამედიცინო კონსულტანტთან მიმართვის, ხოლო მზღვეველის/მიმწოდებლის მხრივ - სადაზღვევო ანაზღაურების გაცემის საფუძველს წინამდებარე ხელშეკრულებით (და მისი დანართების პირობებით) განსაზღვრული შემთხვევების შესაბამისად;

- 1.13 სადაზღვევო პერიოდი – 01.01.2017 00:00 საათიდან– 31.12.2017 24:00 საათამდე პერიოდი, რომლის განმავლობაშიც წინამდებარე ხელშეკრულებით გათვალისწინებული დაზღვევა არის ძალაში;
- 1.14 სადაზღვევო თანხა – წინამდებარე ხელშეკრულებასა და პოლისში მითითებული ანაზღაურების მაქსიმალური ლიმიტი, რომლის ფარგლებშიც მზღვეველი/მიმწოდებელი კისრულობს ვალდებულებას აუნაზღაუროს დაზღვეულს სამედიცინო მომსახურების ხარჯები;
- 1.15 სადაზღვევო პრემია – დამზღვევის/დაზღვეულის მიერ გადასახდელი სადაზღვევო პოლისის წლიური ღირებულება;
- 1.16 სადაზღვევო ანაზღაურება – დაზღვეულის ჯანმრთელობის მდგომარეობით გამოწვეული შესაბამისი სამედიცინო მომსახურების ხარჯები;
- 1.17 სავალდებულო მოთხოვნები – ხელშეკრულების მე-9 მუხლით განსაზღვრული მზღვეველისთვის შესასრულებელი მოთხოვნები.
- 1.18 გეოგრაფიული ლიმიტი – წინამდებარე დაზღვევა მოქმედებს საქართველოს ფარგლებში;
- 1.19 სამედიცინო პროვაიდერი – მზღვეველთან სახელშეკრულებო ურთიერთობაში მყოფი კონკრეტული სამედიცინო დაწესებულება (პროვაიდერი ამბულატორიული, ჰოსპიტალური, სტომატოლოგიური, სასწრაფო სამედიცინო და სააფთიაქო ქსელი), რომლებიც მზღვეველთან გაფორმებული ხელშეკრულების საფუძველზე, სადაზღვევო შემთხვევის დადგომისას უზრუნველყოფს დაზღვეულისათვის სამედიცინო ჩვენების მიხედვით წინამდებარე ხელშეკრულებით და ბარათით განსაზღვრულ სამედიცინო მომსახურებას, როგორც ოჯახის ექიმის მიმართებით, ასევე ოჯახის ექიმის მიმართვის გარეშე, მზღვეველის სადღეღამისო სატელეფონო საინფორმაციო სამსახურის საშუალებით შეტყობინების შემდეგ, მზღვეველის მიერ წარმოდგენილ პროვაიდერ, ასევე არაპროვაიდერ კლინიკებში. (თავისუფალი არჩევანის პრინციპის დაცვით, საქართველოს ტერიტორიაზე მოქმედ, ნებისმიერ ლიცენზირებულ სამედიცინო დაწესებულებაში). დაზღვეული შეუფერხებლად, ბარათში მითითებული დაზღვეულის მიერ %-ლი წილის გადახდის შემდეგ, ბარათის შესაბამისად მიიღებს სამედიცინო მომსახურებას.

**2. ხელშეკრულების საგანი**

- 2.1 სსიპ ივანე ჯავახიშვილის სახელობის თბილისის სახელმწიფო უნივერსიტეტის (თსუ) საშტატო განრიგით გათვალისწინებული პერსონალის ემერიტუსების, თსუ რექტორის მრჩეველთა საბჭოს წევრების (შემოერთებული სამეცნიერო კვლევითი ინსტიტუტებისა და ეროვნული სამეცნიერო ბიბლიოთეკის გარდა), ჯანმრთელობის დაზღვევის მომსახურების შესყიდვა (CPV 66512220).
- 2.2 წინამდებარე ხელშეკრულება ითვალისწინებს მზღვეველის/მიმწოდებლის ვალდებულებას გაუწიოს დაზღვეულს შესაბამისი ბარათით გათვალისწინებული მომსახურება.
- 2.3 წინამდებარე ხელშეკრულებით გათვალისწინებული მომსახურებები მოცემულია №1 დანართში და მზღვეველის მიერ გაცემული ბარათით;
- 2.4 წინამდებარე ხელშეკრულების გაფორმებისას შემსყიდველი მიმწოდებელს აწვდის ინფორმაციას დაზღვეულ თანამშრომელთა სრულ სიას ცხრილის სახით (დანართი N-2), ასევე გადაუზღავნის სიის ელექტრონულ ვერსიას მიმწოდებლის შეთანხმებულ ელ.ფოსტის მისამართზე, ცხრილი მოიცავს შემდეგ ინფორმაციას:
  - 2.4.1 დაზღვეულ პირთა სახელი, გვარი;
  - 2.4.2 პირადი ნომერი;
  - 2.4.3 დაბადების თარიღი, მისამართი, ტელეფონი;
  - 2.4.4 სამუშაო ადგილი და თანამდებობა;
  - 2.4.5 ოჯახის წევრის შემთხვევაში - სახელი, გვარი, დაბადების თარიღი, პირადი ნომერი, მისამართი, ტელეფონი, სტატუსი დაზღვეულ თანამშრომელთან მიმართებაში.
  - 2.4.6 დანართ №2-ში მითითებული დაზღვეულ პირთა სია წარმოადგენს წინამდებარე ხელშეკრულების განუყოფელ ნაწილს, დამზღვევი/შემსყიდველი პასუხისმგებელია და პასუხისმგებლობას ადასტურებს ხელმოწერით, რომ აღნიშნული სია შეესაბამება და არ ეწინააღმდეგება ხელშეკრულების პირობებს. შემსყიდველის მიერ დანართი N-2- მიწოდებული უნდა იქნას არაუგვიანეს 2017 წლის 01 დეკემბრისა.

**3. ხელშეკრულების ღირებულება**

- 3.1 ხელშეკრულების სრული ღირებულება შეადგენს 930 204.00 (ცხრაასოცდაათათასორასოთხი) ლარს.
- 3.2 ხელშეკრულების სრული ღირებულება მოიცავს ხელშეკრულებით გათვალისწინებულ მომსახურებასთან დაკავშირებულ მიმწოდებლის ყველა ხარჯს საშემოსავლო გადასახადის გარეშე, საქართველოს კანონმდებლობით გათვალისწინებულ გადასახადებს.

**4. ხელშეკრულების შესრულების კონტროლი**

- 4.1 კონტროლს, ხელშეკრულებით გათვალისწინებულ ურთიერთობებთან დაკავშირებით, განახორციელებს დამზღვევის მიერ გამოყოფილი, 2015 წლის 28 ივლისის თსუ ადმინისტრაციის ხელმძღვანელის ბრძანება



#89/02-01-ით დამტკიცებული, ჯანმრთელობის დაზღვევის მონიტორინგის ჯგუფი, რომელთა მიერ შემოწმდება რამდენად დაცულია ხელშეკრულების მიხედვით მზღვეველის მიერ ამ ხელშეკრულებით ნაკისრი ვალდებულებები და პირობები.

4.2 შემსყიდველი უფლებამოსილია ხელშეკრულებით გათვალისწინებულ ურთიერთობებთან დაკავშირებით კონტროლის მექანიზმი გამოიყენოს დაზღვეულის ცალკეული მოთხოვნის საფუძველზე.

#### 5. ხელშეკრულებაში ცვლილებების შეტანა

5.1 ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები. ნებისმიერი ცვლილება უნდა მოხდეს მხარეთა შორის ურთიერთშეთანხმების საფუძველზე, რომელიც უნდა დაფიქსირდეს წერილობითი ფორმით.

5.2 შემსყიდველის მიერ დაზღვეულთა სიაში (დანართი № 2) ცვლილებები განხორციელდება: დაზღვეულ პირთა დამატება/გაუქმების შესახებ შეტყობინება გაკეთდება მიმწოდებელთან შემსყიდველის მიერ ყოველი თვის ბოლო რიცხვში და ძალაში შევა შეტყობინების დღის მომდევნო დღიდან. ახალი დაზღვეული პირებისათვის პოლისების მიწოდება მოხდება 5 დღის ვადაში ცვლილების განხორციელებიდან.

5.3 ხელშეკრულების გაფორმების მომენტისთვის შტატგარეშე თანამშრომლის ან/და მისი ოჯახის წევრების (სადაზღვევო შენატანს უზრუნველყოფს დაზღვეული), სადაზღვევო პაკეტით დაზღვევის ვადა განისაზღვროს ხელშეკრულების გაფორმებიდან პირველი ორი თვის განმავლობაში, დაზღვეულ პირთა დამატება განხორციელდება ორჯერ 01.02.2017წ და 01.03.2017წ.-დან. 5.2. პუნქტით განსაზღვრული წესით

5.4 შემსყიდველის მიერ დაზღვეულ თანამშრომლებს შეუძლიათ: დააზღვიონ ოჯახის წევრები, წინამდებარე ხელშეკრულებით გათვალისწინებული ანალოგიური პირობებით, სადაზღვევო შენატანს უზრუნველყოფს დაზღვეული. დაზღვეულ პირთა ოჯახის წევრების დამატება განხორციელდება ორჯერ 01.02.2017წ და 01.03.2017წ.-დან. 5.2. პუნქტით განსაზღვრული წესით

5.5 დაზღვეული თანამშრომლის მიერ ხელშეკრულების გაფორმებიდან 2 თვის შემდეგ მთელი პერიოდის განმავლობაში ოჯახის წევრების დაზღვევა განხორციელდება მხოლოდ დაოჯახების ან შვილის შექმნის შემთხვევაში, ამ ფაქტის დადგომიდან პირველი ერთი თვის განმავლობაში (პირად მონაცემებთან ერთად ქორწინების და/ან ჯვრისწერის მოწმობის, ან დაბადების მოწმობის წარმოდგენის საფუძველზე).

5.6 დაზღვეული თანამშრომლების (მათ შორის შტატგარეშე მომუშავე თანამშრომლების) მიერ გაუმჯობესებული და/ან საოჯახო დაზღვევის შემთხვევაში, სადაზღვევო შენატანის/პრემიის გადახდას უზრუნველყოფს დაზღვეული, რომელიც ამავდროულად ვალდებულია შემსყიდველს/დამსაქმებელს მისცეს წერილობითი დავალება მისი ხელფასიდან სადაზღვევო პრემიის თანხის ჩამოჭრის და მზღვეველისთვის გადარისცხვის შესახებ.

#### 6. უფლებების გადაცემა

6.1 მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული მიმწოდებლის უფლება-მოვალეობანი.

#### 7. ხელშეკრულების მოქმედების ვადა და ხელშეკრულების შეწყვეტა

7.1 წინამდებარე ხელშეკრულება ძალაში შედის 2017 წლის 01 იანვრიდან და მოქმედებს 2018 წლის 01 თებერვლის ჩათვლით, გარდა იმ შემთხვევებისა, რომელთათვისაც წინამდებარე ხელშეკრულებით დადგენილია მხარეთა მიერ ნაკისრი ვალდებულებების შესრულების განსხვავებული ვადები.

7.2 შემსყიდველს შეუძლია მიიღოს გადაწყვეტილება ხელშეკრულების მოქმედების შეწყვეტის შესახებ, მიმწოდებლის მიერ ხელშეკრულების ნებისმიერი პირობის/პირობების დარღვევის შემთხვევაში.

7.3 იმ შემთხვევაში თუ მზღვეველი არ შეასრულებს ან არაჯეროვნად შეასრულებს ხელშეკრულებით გათვალისწინებულ ვალდებულებებს, შემსყიდველს უფლება აქვს შეწყვიტოს ხელშეკრულება, ნაკისრი ვალდებულებების შეუსრულებლობის ან არაჯეროვანი შესრულების გამო.

7.4 შემსყიდველი ხელშეკრულების მოქმედების შეწყვეტის გადაწყვეტილების მიღებისას ვალდებულია შეატყობინოს მიმწოდებელს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მიმწოდებელს გადაწყვეტილების ძალაში შესვლამდე 2(ორი) კვირით ადრე.

7.5 შემსყიდველის მიერ ხელშეკრულების პირობების შეუსრულებლობის შემთხვევაში მეორე მხარეს მიმწოდებელს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

7.6 მიმწოდებელი ხელშეკრულების ან მისი ცალკეული პირობის მოქმედების შეწყვეტის გადაწყვეტილების მიღებისას ვალდებულია შეატყობინოს შემსყიდველს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს შემსყიდველს გადაწყვეტილების ძალაში შესვლამდე 2(ორი) კვირით ადრე.



7.7 ხელშეკრულება შეიძლება შეწყდეს მხარეთა შორის ურთიერთშეთანხმების საფუძველზე ნებისმიერ დროს. შეწყვეტის შემთხვევაში, ხელშეკრულებით ნაკისრი ვალდებულებები გრძელდება, მხოლოდ შეწყვეტამდე არსებულ სადაზღვევო შემთხვევებზე/სადაზღვევო პრემიის გადახდაზე, მიმდინარე პროცედურების/ანგარიშსწორების დასრულების მიზნით. ასეთ შემთხვევაში დაზღვეულები სარგებლობენ წინამდებარე ხელშეკრულებით გათვალისწინებული პირობებით.

**8. მხარეთა უფლება – მოვალობები**

**8.1 მზღვეველი/მიმწოდებელი ვალდებულია:**

8.1.1 ხელშეკრულების გაფორმებიდან და დაზღვეულ პირთა სრული სიის მიღებიდან (დანართი N2) 5 (ხუთი) სამუშაო დღის განმავლობაში სიის მიხედვით გასცეს შესაბამისი ბარათები, რომლის მოქმედების ვადა განისაზღვრება 01.01.2017-ის 00:00 საათიდან – 31.12.2017-ის 24:00 საათამდე პერიოდი;

8.1.2 მზღვეველის მიერ დაზღვეულისათვის სადაზღვევო ანაზღაურებაზე უარის თქმის შემთხვევაში დაზღვეულს უარი უნდა განემარტოს წერილობითი სახით ;

8.1.3 მზღვეველმა უნდა უზრუნველყოს დაზღვეულის მიერ, როგორც ოჯახის ექიმის მიმართვის წარდგენის საფუძველზე, ასევე ნებისმიერ ლიცენზირებულ სამედიცინო დაწესებულებაში მომსახურების მიღებისას გადახდილი საფასურის დამადასტურებელი სამედიცინო და ფინანსური დოკუმენტების სისწორის დადგენა წარდგენისთანავე. ხარვეზის აღმოჩენის შემთხვევაში, მიუთითოს დაზღვეულს მაშინვე და განუსაზღვროს ვადა მის აღმოსაფხვრელად არანაკლებ 3 (სამი) სამუშაო დღისა ხარვეზის აღმოჩენიდან (დოკუმენტაციის წარდგენიდან).

8.1.4 8.1.3-ი პუნქტით განსაზღვრული დაზღვეულის მიერ წარდგენილი სრულყოფილი დოკუმენტაცია მზღვეველმა უნდა განიხილოს და მოახდინოს დაზღვეულისათვის ხარჯების ანაზღაურება წარდგენიდან არაუგვიანეს 30 კალენდარულ დღეში ნაღდი ან/და უნაღდო ანგარიშსწორებით.

8.1.5 დაზღვეულის მიერ 8.1.4-ი პუნქტით განსაზღვრულ ვადაში, სრულყოფილი დოკუმენტაციის წარმოდგენლობის შემთხვევაში, მზღვეველი არ აანაზღაურებს სამედიცინო მომსახურების ხარჯებს.

8.1.6 იმ შემთხვევაში, თუ მზღვეველს 1 (ერთი) კალენდარული თვის განმავლობაში წერილობით ან სადღეღამისო სატელეფონო საინფორმაციო სამსახურის საშუალებით მიმართავს არანაკლებ 10 დაზღვეული პრეტენზიით, მზღვეველის მიერ მითითებულ სააფთაქო ქსელში 70%-იანი დაფარვით, შესაბამისი მოთხოვნისას მედიკამენტების არარსებობის შესახებ, მზღვეველი ვალდებულია შეცვალოს თავის მიერ მითითებული 70%-იანი დაფარვის სააფთაქო ქსელი სხვა ქსელით დამზღვევის რეკომენდაციის შესაბამისად.

**8.2 მზღვეველი/მიმწოდებელი უფლებამოსილია:**

8.2.1 დაზღვეულის, შრომითი ხელშეკრულების შეწყვეტის შემთხვევაში (გარდა გარდაცვალებისა და დისციპლინური გადაცდომისა), ასევე მის ოჯახის წევრებს სადაზღვევო მომსახურება უნდა გაუგრძელდეთ ხელშეკრულების მოქმედების პერიოდში, თუ აღნიშნული პირი შრომითი ხელშეკრულების შეწყვეტიდან 1(ერთი) კვირის განმავლობაში ერთჯერადად, სრულად გადაიხდის დარჩენილი სადაზღვევო პერიოდის მიხედვით სადაზღვევო პრემიას.

**8.3 დამზღვევი/შემსყიდველი ვალდებულია:**

8.3.1 გადაიხადოს სადაზღვევო პრემია მზღვეველთან/მიმწოდებელთან შეთანხმებული წესის მიხედვით;

8.3.2 საჭიროების შემთხვევაში გადასცეს მზღვეველს/მიმწოდებელს დაზღვეულის შრომითი ხელშეკრულების ასლი.

8.3.3 ხელი შეუწყოს მზღვეველის/მიმწოდებლის მიერ სადაზღვევო შემთხვევის დადგომასთან და მის შედეგებთან დაკავშირებული მონაცემების მოკვლევა-მოძიებას;

8.3.4 სადაზღვევო მომსახურების კოორდინაციისა და ხარისხის მუდმივი კონტროლის მიზნით გამოყოს მზღვეველთან/მიმწოდებელთან საკონტაქტო პირი;

8.3.5 სამედიცინო მომსახურების საჭიროების შესახებ დაზღვეულმა, ან ნებისმიერმა სხვა დაინტერესებულმა პირმა წინასწარ ან სამედიცინო მომსახურების დასრულებამდე უნდა შეატყობინოს მზღვეველს სადღეღამისო სატელეფონო საინფორმაციო სამსახურის საშუალებით ტელეფონზე +99532 2 922 222 მომსახურების შემთხვევაში, როდესაც შეტყობინება ობიექტური პირობებით შეუძლებელია, ასეთი შეტყობინება უნდა გაკეთდეს სამედიცინო მომსახურების დასრულებამდე ან არაუგვიანეს მომსახურების მიღებიდან 24 სთ-ისა;

8.3.6 გადაუდებელი (ურგენტული) ჰოსპიტალური მომსახურების საჭიროების შემთხვევაში, როდესაც წინასწარი შეტყობინება ობიექტური პირობებით შეუძლებელია, ზემოხსენებული შეტყობინება უნდა გაკეთდეს არა უგვიანეს 48 სთ-ის შემდეგ მაინც.

**8.4 დამზღვევი/შემსყიდველი უფლებამოსილია:**



- 8.4.1 სადაზღვევო შემთხვევის დადგომისას მოითხოვოს მზღვეველისაგან/მიმწოდებლისგან სადაზღვევო ანაზღაურება წინამდებარე ხელშეკრულების შესაბამისად;
- 8.4.2 ბარათის დაკარგვის ან განადგურების შემთხვევაში, მოსთხოვოს მზღვეველს/მიმწოდებელს დაკარგული ბარათის სანაცვლოდ ახალი ბარათის გაცემა. ამ პროცედურასთან დაკავშირებულ ხარჯებს დაზღვეული იღებს დაზღვეული
- 8.4.3 ანალოგიური პირობებით, დააზღვიოს შტატგარეშე თანამშრომელი
- 8.4.4 შრომითი ხელშეკრულების შეწყვეტისას გააუქმოს თანამშრომლის (როგორც საშტატო განრიგით გათვალისწინებული პერსონალის, ასევე შტატგარეშე პერსონალის) და/ან მისი ოჯახის წევრის დაზღვევა, შრომითი ხელშეკრულების შეწყვეტისას უპირობოდ, ხოლო „შემსყიდველის“ მიერ დაზღვეულის მიმართვის შემთხვევაში, თუ დაზღვეულს არა აქვს მიღებული სადაზღვევო მომსახურება ან მისთვის მომწოდებლის მიერ ანაზღაურებული თანხის ოდენობა არ აღემატება მის სასარგებლოდ გადახდილ სადაზღვევო პრემიას.
- 8.4.5 საჭიროების შემთხვევაში დაზღვევი/შემსყიდველი უფლებამოსილია მოითხოვოს და მიიღოს ინფორმაცია დაზღვეული პირების მიმართვიანობის სტატისტიკური მონაცემების შესახებ.

## 8.5 დაზღვეული ვალდებულია:

- 8.5.1 შეატყობინოს მზღვეველს/მიმწოდებელს ბართში/წინამდებარე ხელშეკრულებაში მითითებულ ნომერზე სადაზღვევო შემთხვევის დადგომის შესახებ (გარდა იმ შემთხვევებისა, როდესაც ობიექტური გარემოებების გამო შეტყობინება შეუძლებელია), წინამდებარე ხელშეკრულებით გათვალისწინებული პირობების დაცვით;
- 8.5.2 დაზღვეული ვალდებულია მზღვეველს/მიმწოდებელს მიანიჭოს უფლება მოიძიოს და გაეცნოს საქართველოს კანონმდებლობით გათვალისწინებულ ყველა იმ დოკუმენტაციას, რომელსაც მზღვეველი/მიმწოდებელი ჩათვლის საჭიროდ სადაზღვევო ანაზღაურებისათვის. წინააღმდეგ შემთხვევაში მზღვეველი/მიმწოდებელი იტოვებს უფლებას არ აანაზღაუროს სამედიცინო მომსახურების ხარჯები.

## 8.6 დაზღვეული უფლებამოსილია:

- 8.6.1 წინამდებარე ხელშეკრულების პირობების დაცვით წაუყენოს მზღვეველს/მიმწოდებელს განცხადებული პრეტენზია;
- 8.6.2 წინამდებარე ხელშეკრულების პირობების გათვალისწინებით მიიღოს სადაზღვევო ანაზღაურება.

## 9. სავალდებულო მოთხოვნები:

- 9.1 სადაზღვევო პრემიის ღირებულება ერთი თანამშრომლისათვის თვეში (სადაზღვევო ლიმიტი), ეხება თსუს თანამშრომელს ასაკის შეუზღუდავად.
- 9.2 ოჯახის წევრები გულისხმობს – მეუღლეს და შვილებს ასაკის შეუზღუდავად, მშობლებს - ასაკი 65 წლამდე.
- 9.3 საშტატო განრიგით გათვალისწინებული და შტატგარეშე (დაზღვეული) პერსონალის ოჯახის წევრებზე უნდა გავრცელდეს დაზღვევის ანალოგიური პირობები, რაოდენობის შეუზღუდავად, სადაზღვევო შენატანს უზრუნველყოფს დაზღვეული.
- 9.4 შტატგარეშე მომუშავე თანამშრომელი (ასაკის შეუზღუდავად), დაზღვევა უნდა გავრცელდეს დაზღვევის ანალოგიური პირობებით, რაოდენობის შეუზღუდავად, სადაზღვევო შენატანს უზრუნველყოფს დაზღვეული.
- 9.5 სამედიცინო მომსახურების მიღება დაზღვეულმა საჭიროების შემთხვევაში უნდა შეძლოს როგორც ოჯახის ექიმის მიმართებით, ასევე ოჯახის ექიმის მიმართვის გარეშე, მზღვეველის სადღეღამისო სატელეფონო-საინფორმაციო სამსახურის საშუალებით შეტყობინების შემდეგ, მზღვეველის მიერ წარმოდგენილ პროვაიდერ კლინიკებში.
- 9.6 სამედიცინო მომსახურების მიღება დაზღვეულმა უნდა შეძლოს როგორც ოჯახის ექიმის მიმართვის, ასევე ოჯახის ექიმის მიმართვის გარეშე, მზღვეველის სადღეღამისო სატელეფონო-საინფორმაციო სამსახურის საშუალებით შეტყობინების შემდეგ, ნებისმიერ ლიცენზირებულ არაპროვაიდერ სამედიცინო დაწესებულებაში.
- 9.7 ყველა სხვა სადაზღვევო შემთხვევა რაც გამოწვევისგან არ მოიაზრება, მათ შორის დაზღვევამდე არსებული დაავადებების მკურნალობის, დაზღვევის პერიოდში მიმდინარე ორსულობის მონიტორინგის და მშობიარობის ხარჯები, ქრონიკული დაავადებების მკურნალობა ექვემდებარება წინამდებარე დაზღვევით დაფარვას სადაზღვევო პაკეტის პირობების შესაბამისად.
- 9.8 საავადმყოფო ფურცლის (ბიულეტენის) გაცემის შესაძლებლობა ოჯახის ექიმის მიერ დამატებითი გადასახადის გარეშე.
- 9.9 საჭიროების შემთხვევაში პირადი ექიმის მიერ დაზღვეულზე ფორმა № IV-100ა-ს გაცემა კანონმდებლობით გათვალისწინებული წესების სრული დაცვით.



9.10 მომსახურების შეფერხების თავიდან აცილების მიზნით, მზღვეველმა უნდა შექმნას ოჯახის ექიმთა (მათ შორის პედიატრთა) საკმარისი რაოდენობის ჯგუფი, მინიმუმ 6 ოჯახის ექიმი, რომელიც მოემსახურება მხოლოდ თსუ-ს დაზღვეულებს. მათ შორის თსუ-ს ორ სამედიცინო პუნქტში ( VIII და მაღლივ (X) კორპუსებში) ოჯახის ექიმის განთავსება.

9.11 ფიზიოთერაპია, ჰიდროთერაპია, მასაჟი, ფიტნესი -30%-იან ფასდაკლებით პროვაიდერ კლინიკებში.

9.12 დაზღვეულს უნდა ქონდეს მინიმუმ 4 (ოთხი) დიდ სააფთიაქო ქსელთან ფასდაკლებით რეცეპტით შეძენის შესაძლებლობა. თითოეულ სააფთიაქო ქსელს უნდა ქონდეს მინიმუმ 30 აფთიაქი საქართველოს მასშტაბით, საიდანაც მინიმუმ 10 აფთიაქი უნდა იყოს თბილისში, ხოლო მინიმუმ 15 რეგიონებში.

9.13 სადაზღვევო კომპანიას უნდა ქონდეს პროვაიდერი სამედიცინო დაწესებულებების ფართო ქსელი როგორც თბილისში (არანაკლებ 50, ხოლო სტომატოლოგიური კლინიკა არანაკლებ 12), ასევე საქართველოს ყველა დიდ ქალაქში.

9.14 გაუმჯობესებული სადაზღვევო პაკეტის არსებობა სადაც დამატებით თანხას (+12ლარი) გადაიხდის დაზღვეული.

9.15 იმ შემთხვევაში, თუ მზღვეველს 1 (ერთი) კალენდარული თვის განმავლობაში წერილობით ან სადღეღამისო სატელეფონო საინფორმაციო სამსახურის საშუალებით მიმართავს არანაკლებ 10 დაზღვეული პრეტენზიით, მზღვეველის მიერ მითითებულ სააფთიაქო ქსელში 70%-იანი დაფარვით, შესაბამისი მოთხოვნისას მედიკამენტების არარსებობის შესახებ, მზღვეველი ვალდებულია შეცვალოს თავის მიერ მითითებული 70%-იანი დაფარვის სააფთიაქო ქსელი სხვა ქსელით დამზღვევის რეკომენდაციის შესაბამისად.

9.16 საოჯახო პაკეტის (სამი და მეტი ოჯახის წევრი), საზაჩისო პაკეტის პირობებით შემოთავაზების შემთხვევაში შეიღების ასაკი განისაზღვრება 18 წლამდე.

## 10. პროვაიდერი სამედიცინო დაწესებულებები

10.1 სადაზღვევო კომპანიას უნდა ქონდეს მინიმუმ 4 (ოთხი) დიდ სააფთიაქო ქსელთან ფასდაკლებით რეცეპტით შეძენის შესაძლებლობა. თითოეულ სააფთიაქო ქსელს უნდა ქონდეს მინიმუმ 30 აფთიაქი საქართველოს მასშტაბით, საიდანაც მინიმუმ 10 აფთიაქი უნდა იყოს თბილისში, ხოლო მინიმუმ 15 რეგიონებში.

10.2 სადაზღვევო კომპანიას უნდა ქონდეს პროვაიდერი სამედიცინო დაწესებულებების ფართო ქსელი როგორც თბილისში (არანაკლებ 50, ხოლო სტომატოლოგიური კლინიკა არანაკლებ 12), ასევე საქართველოს ყველა დიდ ქალაქში. პროვაიდერი დაწესებულებების ჩამონათვალი და ზუსტი საკონტაქტო ინფორმაცია ხელშეკრულებასთან ერთად (დანართი N3) .

10.2 მზღვეველი/ მიმწოდებელი უფლებამოსილია ხელშეკრულების მოქმედების პერიოდში შეცვალოს ერთი ან რამოდენიმე სამედიცინო პროვაიდერი, რის შესახებაც ეცნობება დამზღვევს/შემსყიდველს ერთი თვით ადრე.

## 11. ანგარიშსწორება, ფასები

11.1 სახელშეკრულებო ღირებულების ფარგლებში განხორციელდება სსიპ ივანე ჯავახიშვილის სახელობის თბილისის სახელმწიფო უნივერსიტეტის (თსუ) საშტატო განრიგით გათვალისწინებული პერსონალის (შემოერთებული სამეცნიერო კვლევითი ინსტიტუტებისა და ეროვნული სამეცნიერო ბიბლიოთეკის გარდა), ემერიტუსების, თსუ რექტორი მრჩეველთა საბჭოს წევრებისა და გაცვლით პროგრამებში მონაწილე სტუდენტების სულ - 1650 პირი. ასევე აუცილებლობის შემთხვევაში, უზრუნველყოფილი იქნება შტატგარეშე თანამშრომელთა და ორივე სახის თანამშრომელთა ოჯახის წევრების სადაზღვევო პრემიის ანაზღაურება,

11.2 ხელშეკრულების 11.1 პუნქტით განსაზღვრულ 1650 პირზე, დამზღვევის მიერ მზღვეველისათვის გადასახდელი ყოველთვიური სადაზღვევო თანხის ოდენობა შეადგენს 46.98 (ორმოცდაექვსი ლარი და ოთხმოცდათვრამეტი თეთრი) ლარს.

11.3 ხელშეკრულების ფარგლებში დამზღვევის მიერ სადაზღვევო თანხის გადახდა განხორციელდება უნადლო ანგარიშსწორების ფორმით, ყოველთვიურად, არაუგვიანეს ყოველი თვის 05 რიცხვისა, დაზღვეულთა სიასთან ერთად წარდგენილი ინვოისის საფუძველზე. ანგარიშსწორება მოხდება ამ დოკუმენტის წარმოდგენიდან 10 (ათი) სამუშაო დღის ვადაში. შესაბამისი ანგარიშსწორების დოკუმენტში მიეთითება დამზღვევის მიერ შესაბამის თვეში გადასახდელი სადაზღვევო პრემიის ოდენობა წინამდებარე ხელშეკრულების 11.1 პუნქტის შესაბამისად, დაზღვეულ პირთა ოდენობის გათვალისწინებით.

11.4 დამზღვევი/შემსყიდველი უზრუნველყოფს თსუ-ს შტატგარეშე თანამშრომლებისა და დაზღვეულის მიერ ოჯახის წევრთა დაზღვევისათვის გადასახდელი ყოველთვიური სადაზღვევო პრემიის გადმორიცხვას შესაბამის თვეში .

11.5 მზღვეველი ვალდებულია წარმოადგინოს ორი ინვოისი, კერძოდ: (1) შემსყიდველის მიერ დაზღვეულ პირებზე (არაუმეტეს 1650 პირი); და (2) თსუ-ს შტატგარეშე თანამშრომელი და ორივე სახის თანამშრომელთა ოჯახის წევრებზე.



## 12. ხელშეკრულების შესრულების გარანტია

- 12.1 იმისათვის, რომ თავიდან იქნას აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების პირობების შეუსრულებლობის გამო, გამოყენებული იქნება საბანკო გარანტია ხელშეკრულების ღირებულების 5 %-ის ოდენობით.
- 12.2 სახელმწიფო შესყიდვების სააგენტოს თავმჯდომარის 2016 წლის 01 დეკემბრის № 3318 განკარგულების თანახმად, სს „სადაზღვევო კომპანია იმედი ელ“-ი წარმოადგენს თეთრ სიაში დარეგისტრირებულ კომპანიას, რომლის რეგისტრაციის ვადაა 2017 წლის 17 დეკემბრამდე. სახელმწიფო შესყიდვების სააგენტოს თავმჯდომარის 2016 წლის 26 თებერვლის N2 ბრძანების მე-10 მუხლის პირველი პუნქტის „გ“ ქვეპუნქტის თანახმად, იგი უფლებამოსილია, შემსყიდველ ორგანიზაციას წარუდგინოს მოთხოვნილი ოდენობის ხელშეკრულების შესრულების უზრუნველყოფის გარანტიის ნახევარი, სახელშეკრულებო ღირებულების 2,5%, რომელის მოქმედების ვადა 30 (ოცდაათი) დღით უნდა აღემატებოდეს ხელშეკრულების მოქმედების ვადას.
- 12.3 მიმწოდებლის მიერ წარმოდგენილი გარანტია გამოიყენება ნებისმიერი ზიანის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო.
- 12.4 შემსყიდველი ვალდებულია მიმწოდებელს დაუბრუნოს გარანტია შემდეგ შემთხვევებში:
- ა) გარანტიის მოქმედების ვადის გასვლისთანავე;
  - ბ) მიმწოდებლისაგან დამოუკიდებელი მიზეზების გამო ხელშეკრულების შეწყვეტისას;
  - გ) მიმწოდებლის მიერ ხელშეკრულებით ნაკისრი ვალდებულებების სრულად შესრულებისა;
  - დ) კანონმდებლობით გათვალსწინებულ სხვა შემთხვევებში.

## 13. ხელშეკრულების პირობების შეუსრულებლობა

- 13.1 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შედეგად მიყენებული ზარალისათვის მხარეები ერთმანეთის წინაშე აგებენ პასუხს საქართველოს მოქმედი კანონმდებლობის შესაბამისად.
- 13.2 მზღვეველის მხრიდან ხელშეკრულების პირობების შეუსრულებლობის შემთხვევაში, როდესაც აღნიშნულმა გამოიწვია დაზღვეული თანამშრომლის ზარალი (როგორც ფინანსური, ასევე ჯანმრთელობის მდგომარეობის გაუარესება) მზღვეველი სრულად 100%-ით ანაზღაურებს ფინანსურ ზარალს დაზღვეული თანამშრომლის წინაშე
- 13.3 შემსყიდველი უფლებამოსილია მიმწოდებლის მიზეზით გამოწვეული მომსახურების გაწევის ვადის გადაცილების შემთხვევაში დააკისროს მიმწოდებელს ჯარიმა ყოველ ვადაგადაცილებულ დღეზე გასაწევი მომსახურების ღირებულების 0.1%-ის ოდენობით.
- 13.4 ხელშეკრულებით ნაკისრი ვალდებულებების სისტემატიურად შეუსრულებლობის შემთხვევაში, შემსყიდველი უფლებამოსილია შეწყვიტოს წინამდებარე ხელშეკრულება და დააკისროს მიმწოდებელს ჯარიმის გადახდა – ხელშეკრულების ღირებულების 2 %-ის ოდენობით.
- 13.5 გადახდის ვადის გადაცილების შემთხვევაში მიმწოდებელი უფლებამოსილია, დააკისროს შემსყიდველს ჯარიმის გადახდა ყოველ ვადაგადაცილებულ დღეზე გადასახდელი თანხის 0.1%-ის ოდენობით.
- 13.6 მზღვეველს უფლება არა აქვს შეცვალოს ან შეამციროს პროვაიდერი კლინიკების რაოდენობა დამზღვევის თანხმობის გარეშე.
- 13.7 მზღვეველის მხრიდან 13.6 პუნქტის დარღვევის შემთხვევაში, შემსყიდველი აფრთხილებს მზღვეველს, ხოლო ასეთი დარღვევის გამეორების შემთხვევაში, დამზღვევი უფლებამოსილია დააყენოს ხელშეკრულების შეწყვეტის საკითხი და/ან დააკისროს მზრვეველს ჯარიმა, ყოველ შეცვლილ პროვაიდერზე 1000 ლარის ოდენობით.

## 14. დავების გადაწყვეტა

მხარეთა შორის წარმოშობილი სადაო საკითხები გადაწყდება ურთიერთშეთანხმებით, ხოლო შეუთანხმებლობის შემთხვევაში, დავები გადაწყდება საქართველოს საერთო სასამართლოში, საქართველოს მოქმედი კანონმდებლობის შესაბამისად.

## 15. ფორს-მაჟორი

- 15.1 მხარეები თავისუფლდებიან პასუხისმგებლობისაგან დაკისრებულ მოვალეობათა ნაწილობრივ ან სრულად შეუსრულებლობისთვის დაუძლეველი ძალის ზემოქმედებით გამოწვეული გარემოებების შემთხვევაში, ამ გარემოებათა არსებობის განმავლობაში.
- 15.2 დაუძლეველი ძალა გულისხმობს: ომსა და საბრძოლო მოქმედებებს, სტიქიურ უბედურებებს, ხანძარს, გაფიცვებს, სამოქალაქო არეულობას, საკანონმდებლო ცვლილებებს.



- 15.3 დაუძლეველი ძალის მოვლენის დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ წერილობით მიმართავს მეორე მხარეს ამის შესახებ.
- 15.4 მხარე არ თავისუფლდება პირობებისაგან, თუ კი ფორს-მაჟორული მოვლენის დადგომა გამოწვეულია მისი ძალით, ან ნაკისრ ვალდებულებათა შესრულება შესაძლებელი იყო ფორს მაჟორული გარემოებათა დადგომამდე წინამდებარე ხელშეკრულებით განსაზღვრულ ვადებში.

**16. დასკვნითი დებულებები**

- 16.1 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ იმ შემთხვევაში, თუ შედგენილია წერილობითი ფორმით და ხელმოწერილია ორივე მხარის მიერ, რის შემდეგაც ისინი წარმოადგენენ ხელშეკრულების განუყოფელ ნაწილს.
- 16.2 წინამდებარე ხელშეკრულების თანახმად, სახელშეკრულებო პირობები ატარებენ კონფიდენციალურ ხასიათს და ამ ხელშეკრულებასთან დაკავშირებული ყოველგვარი ინფორმაცია მესამე პირს (პირებს) გადაეცემა(თ) საქართველოს მოქმედი კანონმდებლობით დადგენილი წესით, ასევე, მხარეთა მიერ წერილობით გათვალისწინებულ შემთხვევებში.
- 16.3 წინამდებარე ხელშეკრულების პირობების შეცვლა დაუშვებელია, თუ ამ ცვლილების შედეგად დამზღვევისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 16.4 შემთხვევებში, რომლებიც არ არის გათვალისწინებული წინამდებარე ხელშეკრულებით, მხარეები იხელმძღვანელებენ საქართველოს მოქმედი კანონმდებლობით. კანონმდებლობაში მომხდარი ცვლილებების შედეგად ხელშეკრულების რომელიმე პუნქტის ბათილად ან ძალადაკარგულად გამოცხადების შემთხვევაში, ხელშეკრულების დანარჩენი პუნქტები ძალაში რჩება.
- 16.5 წინამდებარე ხელშეკრულება შედგენილია ქართულ ენაზე, იურიდიული ძალის მქონე 3(სამ) ეგზემპლარად. ერთი ეგზემპლარი გადაეცემა მიმწოდებელს, 2(ორი) შემსყიდველს.
- 16.6 წინამდებარე ხელშეკრულებას თან ახლავს შემდეგი 7(შვიდი) დანართი:
- 1) გასაწევი მომსახურების აღწერილობა, ტექნიკური დავალება (დანართი № 1);
  - 2) დაზღვეულთა სია (დანართი № 2);
  - 3) პროვადერი სამედიცინო დაწესებულებათა სია (დანართი № 3);
  - 4) სამედიცინო დაზღვევის სფეროში საქმიანობის განხორციელების ლიცენზია (დანართი № 4);
  - 5) რეკვიზიტები (დანართი № 5);
- ყველა დანართი წარმოადგენს წინამდებარე ხელშეკრულების განუყოფელ ნაწილს.


**17. მხარეთა იურიდიული მისამართები და საბანკო რეკვიზიტები**

შემსყიდველი  
 მისამართი:  
 ქ.თბილისი; ი.ჭავჭავაძის გამზ. №1  
 რეკვიზიტები:  
 სახაზინო სამსახური  
 თსუ საკუთარი შემოსავლები

საიდენტიფიკაციო კოდი:  
 204864548  
 თსუ ადმინისტრაციის ხელმძღვანელის  
 მოადგილე  
 ერმი ქემოკლიძე



მიმწოდებელი  
 მისამართი:  
 ქ.თბილისი; ა.პოლიტკოვსკაიას ქ. #9  
 საბანკო რეკვიზიტები:  
 სს საქართველოს ბანკი  
 ა/ა N GE GE53BG0000000316632300  
 ბანკის კოდი: BAGAGE22  
 საიდენტიფიკაციო კოდი:  
 204919008  
 გენერალური დირექტორი:  
 გივი გიორგაძე



## ინფორმაცია ინტერესთა კონფლიქტის შესახებ

“ 30 “ დეკემბერი 2016 წ.

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ხელის მოწერით ვადასტურებ, რომ სსიპ – ივანე ჯავახიშვილის სახელობის თბილისის სახელმწიფო უნივერსიტეტის (თსუ) საშტატო განრიგით გათვალისწინებული პერსონალის, ემერიტუსების, და თსუ რექტორის მრჩეველთა საბჭოს წევრების (შემოერთებული სამეცნიერო კვლევითი ინსტიტუტებისა და ეროვნული სამეცნიერო ბიბლიოთეკის გარდა), ჯანმრთელობის დაზღვევის CPV 66512200 სახელმწიფო შესყიდვის მიზნით 2016 წლის 17 ნოემბერს გამოცხადებული ელექტრონული ტენდერი აუქციონის გარეშე პრეისკურანტით NAT 160003491 მონაწილეობა არ იწვევს ინტერესთა კონფლიქტს პრეტენდენტთან სს სადაზღვევო კომპანია იმედი ელ

თსუ საფინანსო დეპარტამენტის უფროსი,  
სატენდერო კომისიის თავმჯდომარის  
მოადგილე



ი. სალარეიშვილი



ხელშეკრულების შესრულების საბანკო გარანტია # PE39527-16

28 დეკემბერი 2016 წელი

თბილისი

გარანტი: სს საქართველოს ბანკი (შემდგომში „გარანტი“)

გარანტის საიდენტიფიკაციო კოდი: 204378869

გარანტის მისამართი: გაგარინის ქ. #29ა, თბილისი, 0160, საქართველო

პრინციპალი: სს სადაზღვევო კომპანია იმედი ელ (შემდგომში „პრინციპალი“)

პრინციპალის საიდენტიფიკაციო კოდი: 204919008

პრინციპალის მისამართი: საქართველო, თბილისი, ძველი თბილისის რაიონი, ყაზბეგის ქ., №3-5

ბენეფიციარი: ივანე ჯავახიშვილის სახელობის თბილისის სახელმწიფო უნივერსიტეტი (შემდგომში „ბენეფიციარი“)

ბენეფიციარის საიდენტიფიკაციო კოდი: 204864548

საგარანტიო თანხა: 23,255.10 (ოცდასამი ათას ორასორმოცდათხუთმეტი და 10/100) ლარი

ტენდერის უნიკალური ნომერი: #NAT160003494

მხედველობაში ვიღებთ რა, რომ პრინციპალმა სადაზღვევო მომსახურებების მიზნით წარდგენილი სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ, გარანტი, თანახმა ვართ გავცეთ პრინციპალის სახელზე აღნიშნული საბანკო გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე პრინციპალის სახელით საერთო თანხაზე, არაუმეტეს ჯამში 23,255.10 (ოცდასამი ათას ორასორმოცდათხუთმეტი და 10/100) ლარი და ვკისრულობთ ზემოთ აღნიშნული თანხის, გადახდას პრინციპალის მიერ ხელშეკრულების პირობების დარღვევის შემთხვევაში ბენეფიციარის წერილობითი მოთხოვნის წარმოდგენის საფუძველზე.

ბენეფიციარის წერილობითი მოთხოვნა თანხის ანაზღაურებაზე წარმოდგენილ უნდა იქნეს ბენეფიციარის მხრიდან აღნიშნულ დოკუმენტზე უფლებამოსილი პირის მიერ ხელმოწერილი ფორმით, სადაც მითითებულ იქნება მოთხოვნილი თანხა ციფრობრივად და სიტყვიერად, საბანკო რეკვიზიტები და განმარტებული უნდა იყოს კონკრეტულად პრინციპალსა და ბენეფიციარს შორის გაფორმებული ხელშეკრულებისა რა პირობები იქნა დარღვეული პრინციპალის მხრიდან. მოთხოვნას თან უნდა ერთვოდეს მოთხოვნაზე ხელმოწერილი პირის უფლებამოსილების დამადასტურებელი დოკუმენტი და საბანკო გარანტიის ასლი.

წინამდებარე გარანტია ძალაშია პრინციპალის მიერ ხელშეკრულების პირობების შესრულების საბოლოოდ დამთავრებამდე, მაგრამ არაუგვიანეს: 01 თებერვალი 2018 წელი, შესაბამისად წინამდებარე გარანტია მოქმედებს აღნიშნული თარიღის ჩათვლით.

ზემოთქმულიდან გამომდინარე, საბანკო გარანტიაზე მოთხოვნა ან პრეტენზია წარმოდგენილ უნდა იქნეს საბანკო გარანტიის ვადის გასვლამდე მისამართზე: სს „საქართველოს ბანკი“ (ს/კ: 204378869), სათაო ოფისი, გაგარინის ქ. #29ა, თბილისი 0160, საქართველო, თბილისის დროით (UTC/GMT +04:00 hours) 17:00 საათამდე, კანცელარიის სამსახურში, ვაჭრობის ფინანსირების დეპარტამენტის საყურადღებოდ.

საბანკო გარანტია ავტომატურად უქმდება ქვემოაღნიშნული გარემოებებიდან ერთ-ერთის დადგომისთანავე:

- საბანკო გარანტიის ვადის გასვლით.
- გარანტის მიერ ბენეფიციარისთვის იმ თანხის გადახდით, რომელზედაც გაიცა საბანკო გარანტია.
- ბენეფიციარის მიერ გარანტიიდან გამომდინარე თავის უფლებებზე წერილობით უარის თქმით.

გარანტის მიმართ საბანკო გარანტიიდან გამომდინარე ბენეფიციარის კუთვნილი მოთხოვნის უფლების გადაცემა/დათმობა სხვა პირისათვის დაუშვებელია გარანტის წერილობითი თანხმობის გარეშე.

წინამდებარე საბანკო გარანტია რეგულირდება საქართველოს კანონმდებლობით.

პატივისცემით,  
ეთერ ჩხეიძე  
გარანტიების სამსახურის უფროსი

